

SCRIPT OF EVENING GOJRI NEWS BULLETIN 4DEC 2025 1700HRS

ایوننگ گوجری نیوز بولیٹن 4 دسمبر 2025

یوہ آکاشوانی جموں بے محبوب سلطانہ تے نصرت چودھری تیں خبر سُنو۔

HEADLINES

۱۔ وزیر اعلیٰ عمر عبداللہ نے 6 واں اگنی ویر بیچ گی پاسنگ آؤٹ پریڈ مانہ شرکت کی کیونجے جے اے کے ایل آئی ریجیمینٹ ہمیشہ تیں جموں کشمیر گا لوکاں واسطے بہادری تے قربانی غی علامت رئی ہے۔

۲۔ وزیر اعلیٰ عمر عبداللہ نے کہیو ہے جے سرکار نے ایس آر او 43 سکیم گوناں بدل غے باز آباد کاری مدد آلی سکیم آر اے ایس رکھیو گیو ہے۔

۳۔ پورا بھارت مانہ اج بحریہ گو تہاڑو منایو جارہیو ہے تے قوم بھارتی بحریہ گا کردار تے کامیابیاں نانہ یاد کررئی ہے لیفٹیننٹ گورنر منوج سنہا نے اس موقعہ ور مبارک باد دتی ہے۔

۴۔ پچھلا 5 براں مانہ 50 ہزار راشن کارڈ جموں کشمیر مانہ ختم کیا گیا ہیں۔

۵۔ مرکزی وزیر داخلہ گا سروے مانہ تہنہ منڈی ۸ پولیس سٹیشن نے بہترین درجو حاصل کیو ہے۔

CM JKLI

وزیر اعلیٰ عمر عبداللہ نے اج جموں کشمیر رائڈ انفنٹری ریجیمینٹ مرکز سرینگر مانہ اگنی ویر گا 6 واں بیچ گی پاسنگ آؤٹ پریڈ مانہ شرکت کی اُنہاں نے نوجواناں اگنی ویراں نانہ سخت تربیت کامیابی سنگ پوری کر ور مبارک باد دتی تے قوم کی خدمت مانہ اُن گا شاندار مستقبل گی دعا وی کی وزیر اعلیٰ ے اگنی ویراں تے جے اے کے ایل آئی مرکز گا کردار غی تعریف کرتا واں کہیو جے اُنہاں نے جموں کشمیر گا مشکل حالات مانہ بے مثال خدمات دتی ہیں اُنہاں نے کہیو جے اے کے ایل آئی ریجیمینٹ ہمیشہ تیں جموں کشمیر گا لوکاں واسطے بہادری تے قربانی غی علامت رہی ہے جناب عمر عبداللہ نے نوا شامل ہون آلا اگنی ویراں واسطے نیک خواہشات گو اظہار کیو جہڑا ہون ملک گ ابکھ بکھ حصار مانہ اپنی تقرری ور روانہ ویں غا۔

CM SRO

وزیر اعلیٰ عمر عبداللہ نے اعلان کیو ہے جے حکومت نے ایس آر او 43 سکیم گو ناں بدل گے باز آباد کاری مدد آلی سکیم آر اے ایس رکھیو ہے تے اُنہاں نے کہیو جے اس سکیم غے تحت کشمیر صوبہ مانہ احکامات جاری کردتا گیا ہیں تے ہون

تک 60 تقرری نامہ وی دتا جا چکا ہیں ذرائع ابلاغ گا نمائندہ سنگ گل کرتا واں وزیر اعلیٰ نے اس گل گی یقین دہانی کراتا واں کہیو ہے جے آر اے ایس سکیم غے تحت اگر کوئے وی سرکاری ملازم دوران خدمات فوت ہو جے گو تے اس گا خاندان گا کسے اک فرد نانہ سرکاری نوکری دتی جے گی۔ پورا ملک مانہ راج بھون گو ناں بدل گے لوک بھون رکھن ور رد عمل گو اظہار کرتا واں وزیر اعلیٰ نے کہیو جے لوک اداراں گاناں بدلن غے بجائے بہترین حکمرانی گی فراہمی چاوے اُنہاں نے مزید اس طرح کہیو۔

NAVY DAY

اج نیوی ڈے یعنی بحریہ غو تہاڑو منایو جارہی وے یوہ تہاڑو ہر سال 4 دسمبر نانہ بھارتی بحریہ غی خدمات تے کامیابیاں نانہ یاد کرن واسطے منایو جے 1971 غی جنگ غے دوران آپریشن ٹرائڈنٹ مانہ اسی دن بھارتی بحریہ نے پاکستان غا چار بحری جہاز ڈبویا تھا جن مانہ پی این ایس کھیپر وی شامل تھولیفٹینٹ گورنر منوج سنہا نے وی بحریہ تہاڑا غی مبارک باد پیش کی سماجی میڈیا ور اُنہاں نے تمام جواناں تے اُن غا خانداناں نانہ مبارکی باد دتی۔ اُنہاں نے کہیو کہ بھارت غی سمندری، سرحداں غی حفاظت تے انسانیت غی خدمت مانہ بحری غو کردار قابل ذکر ہے آخر مانہ اُنہاں نے اُن غی بہادری پیشہ وارانہ صلاحیت تے بے لوٹ خدمت نانہ سلام پیش کیو۔

IMMUNIZATION DAY

صحت تے طبی تعلیم غا سیکرٹری ڈاکٹر سید عبد رشید شاہ نے ریاستی ٹاسک فورس برائے ایمونائزیشن غی میٹنگ کی جس مانہ قومی امیونائزیشن تہاڑا تے پلس پولیو پروگرام 2025 غی تیاریاں ور گل بات ہوئی پولیو ڈے 21 دسمبر نانہ وے غو تے 22,23 دسمبر نانہ کھر کھر جاغے بچا نانہ پولیو غی دوا غا قطرہ پلایا جیں غا میٹنگ مانہ دسیو گیو کہ بھارت مانہ پولیو غو آخری معاملو 13 جنوری 2011 نانہ آيو تھو تے 2014 نانہ ملک نانہ پولیو تیں پاک قرار دتو گیو ڈاکٹر سید نے کہیو کہ بچاں غی حفاظت واسطے مسلسل نگرانی بیماریاں غی اچھی طرح سنگ جانچ تے زیادہ تیں زیادہ بچاں نانہ پولیو غو قطرو پلانو بہت ضروری ہے تانجے جموں کشمیر غا بچہ پولیو تیں محفوظ ریں۔

STREET PLAY

اج وارڈ نمبر 25 ریہاڑی کالونی مانہ جموں میونسپل کارپوریشن گی وال آف سیم پہل غے تحت اک ٹکڑ ناٹک پیش کیو گیو اس تقریب مانہ سکول گا طلبہ اساتذہ مقامی بسنیکاں تے نترنگ گا فنکاراں نے حصول جو مقصد صفائی نانہ برقرار رکھن کھلا مانہ پیشاب تے گندگی پھیلان تی پرہیز کرن تے ذمہ دار شہری گارویہ بارے بیدار کرنو تھو اس دوران موثر انداز مانہ یوہ پیغام عام کیو جے صفائی ہم سب گی سانجی ذمہ داری ہے تے ہر فرد نانہ علاقہ نانہ صاف ستھرو رکھن بارے اپنو کردار ادا کرنو

چاہیے۔ اس سلسلہ مانہہ نرائع ابلاغ گا نمائندہ سنگ گل کرتا واں جے ایم سی گا صحت بارے افسر ڈاکٹر ونود شرما نے اس طرح کہیو۔

RATION CARD DELETED

مرکزی حکومت نے اج لوک سبھا مانہہ اس گل غی جانکاری دتی ہے جے پردھان منتری غریب کلیان انن یوجنا غے تحت پورا ملک مانہہ فائدو حاصل کرن آلا گی چھان بین گے دوران جموں کشمیر مانہہ 50 ہزار گے کول کال راشن کارڈاں نانہہ ختم کردتو ہے یا جانکاری خوراک صارفی تے عوامی تقسیم کاری گی وزارت نت لکھت ماہہ جواب دیتا مانہہ سانجی کی ہے وزارت نے مزید دسیو جے جموں کشمیر مانہہ سال 2021 اندر 33677۔ سال 2022 اندر 2927۔ سال 2023 اندر 5403۔ سال 2024 اندر 4767 تے سال 2025 غی اج گی تاریخ تک 3036 راشن کارڈاں نانہہ ختم کیو گیو ہے جس سنگ کل تعداد 49810 توڑی جا پُجی ہے۔ اس سلسلہ مانہہ مزید جانکاری دیتا واں وزارت نے دسیو ہے جے ریاستاں تے مرکز زیر انتظام آلا علاقاں نانہہ ہدایت جاری کی گئی ہیں کہ وے نشاندہی کیا گیا ریکارڈ گی جسمانی طور ور تصدیق کریں تے غیر مستحق ناں نانہہ فہرست بچو کڈھیں۔

THANAMANDI

راجوری ضلع واسطے بڑی فخر آلی گل ہے جے پولیس سٹیشن تھنہ منڈی ناہہ جموں کشمیر گو سب تیں بہترین تھانو قرار دتو گیو ہے جدکہ اس تھانہ ے مرکزی وزارت داخلہ گی طرفو پورا ملک مانہہ کرائیا گیا سروے اندر 14 ووں مقام حاصل کیو ہے۔ یاہ شاندار کامیابی اس گل نانہہ آجاگر کرئی ہے جے یوہ پولیس سٹیشن اعلیٰ معیار گی پولنگ موثر خدمات دی تے عوامی رابطہ مانہہ بہترین کم کرریو ہے واضع رہ جے مرکزی وزارت داخلہ گی طرفوں مقررہ کردہ تمام معیار نانہہ تھنہ منڈی پولیس سٹیشن نے پروو کیو ہے جن مانہہ جرائم گی روک تھام شکایات گو ازالو عوام توڑی رسائی ٹانچہ گی ترقی تاولے جواب تے عوامی اطمینان شامل ہیں اس تیں علاوہ تمام ریکارڈ نانہہ آن لائن تے آف لائن وی بہترین طریقہ سنگ برقرار رکھیو گیو تھو۔

CLEANLINESS DRIVE

سواچھتا ہی سیوا 2025 مہم غے تحت اج 137 بٹالین سی آر پی ایف غی طرفوں سرکاری طبی کالج ادھمپور گا احاطہ مانہہ اک بڑی صفائی ستھرائی گی مہم گو انعقاد کیو گیو اس مہم غی قیادت ڈپٹی کمانڈنٹ کرتار چند نے کی جدکہ اس مہم مانہہ 137 بٹالین گا 50 تیں متا جواناں تے جی ایم سی گا افسراں تے صفائی مٹروں شامل ہویا اس پوری مہم گی قیادت 137 بٹالین سی آر پی ایف گا کمانڈنٹ منوج کمار سیکاگی رہنمائی اندر کی گئی اس مہم غے دوران سی آر پی ایف گا جواناں نے جی ایم سی گا کول کال گا علاقہ نانہہ صاف کیو تے خاص طور ور خون رکھن تے دین آلا مرکز ور خصوصی توجہ پائی گئی اس ضمن مانہہ آکاشوانی نیوز سنگ گل کرتا واں 137 بٹالین سی آر پی ایف ادھمپور گا ڈپٹی کمانڈنٹ کرتار چند نے اس طرح کہیو۔

KARKHANDAR SCHEME

دستکاری تے بُنائی غو محکمہ ضلع رام بن مانہہ کاریگراں غی مہارت بدھان واسطے کارخاندار سکیم غے تحت تربیت فراہم کرے اس سکیم غو مقصد کاریگراں نانہہ بہتر طریقہ سگ کم سکھانو تے اُن غی آمدنی ماہہ اضافو کرنو ہے اس غے تحت ماسٹر کاریگر تے تربیت لی آلا دواں نانہہ مالی مدد دتی جے کارخاندار نانہہ ہر تربیت آلا گروپ واسطے 25 ہزار روپیہ دتا جیں تانجے وہ اوزار، سامان، بُنیادی مواد تے جگہ غو خرچو پورو کرسکیں۔ تے ہر سکھن آلا نانہہ تربیت غے دوران ماہانہ 2 ہزار روپیہ دتا جیں اس سکیم بارے مزید تفصیلات سانجہ کرتا واں اسٹینٹ دائریکٹر دستکاری و بُنائی محکمہ رام بن پردیپ شان نے اس طرح کہیو۔

WSHG TRAINING

دیہی روزگار نانہہ مزید مضبوط بنان تے خواتین کی قیادت اندر زرعی کاروبار نانہہ فروغ دین غی اک کوشش گا طور ور ڈپٹی کمشنر کشتواڑ پنکج شرما نے اج خواتین گا اپنی مدد آلا آپ گروپاں واسطے ایک روزہ انٹرا سٹیٹ تربیتی پروگرام نانہہ جھنڈی دس غے روانہ کیو جس مانہہ مشروم گی کاشت ور خصوصی توجہ پائی گئی ہے اس پروگرام گو انعقاد کھیتی باڑی گا محکمہ کشتواڑ نے مجموعی زرعی ترقیات پروگرام ایچ اے ڈی پی پروجیکٹ 10 غے تحت کیوتھو واضع رہ جے اس صلاحیت سازی گا قدم غو مقصد خواتین گا اپنی مدد آپ گروپاں گی مہارت مانہہ بادھو کرنو پائیداد آمدنی گو ذریعو متعارف کرانو تے پورا ضلع مانہہ مشروم گی کاشت انہہ مافعہ تے زرعی کاروبار غا طور ور فروغ دینو ہے۔
